

福建通志

第叁拾叁冊
藝文志

福建藝文志卷十六

史部一

正史類一 宋

唐書補傳一卷福安謝翺著鄧牧謝臯羽傳云游江海訪前代故實著宋史補唐詩人無傳者三十餘篇傳近世隱逸數篇案翺字臯羽宋末蜀文天祥諮議參軍

正史類二 元

宋遼金三史稿莆田顧長卿著閩書云長卿作宋遼金三史及謁選京師會史事開局以所草上中書得辟史屬議不合移疾去案長卿字子元官泉州潯美場司丞

正史類三 明

史記考異十卷莆田柯維騏著自序云六經而下蓋有遷史晉唐名儒註注凡數家獨所謂索隱正義未能深究厥旨如曆書焉逢攝提格畢寒

斯太初曆法耳乃謂漢用周正曆述甲子七十六斯蒨法耳乃謂後人所增左見曲說以誤來學若此類不能悉數心竊憾之比在告多暇爰據所聞正其舛謬而補其闕遺與夫班氏譏評爽寔漢書增損乖義少孫補綴亂真諸儒紀載異同亦申辨焉案維騏字奇純嘉靖癸未進士官南京戶部主事

宋史新編二百卷柯維騏著黃佐序云宋舊史成於元丞相托克托是非不公景泰閒翰林學士吉水周公嘗疏於朝自任筆削羈於職務書弗成吾友柯子乃能會通三史以宋爲正本紀則正大綱而存孤危志表則略細務而舉要領列傳則崇勲德而誅亂賊先道學而後吏治遼金與夏皆列外國傳於是春秋大義始昭著于萬世四庫全書總目云史稱其家居三十載乃成是書沈德符敝帚軒輶語稱其作是書時至於發憤自宮以專思慮可謂精勤之至凡成本紀十四卷志四十卷表四卷列傳一百四十二卷糾謬補遺亦頗有所考訂然托克托等作宋史

其最無理者莫過於道學儒林之分傳其最有理者莫過於本紀終流
國公而不錄二王及遼金兩朝各自爲史而不用島夷索虜互相附錄
之例蓋古之聖賢亦不過儒者而已無所謂道學者也如以爲儒者有
悖於道則悖道之人何必爲之立傳如以爲儒者雖不悖道而儒之名
不足以盡道則孔子之詔子夏其誤示以取法乎下耶妄生分別徒滋
門戶且太平御覽五百十卷中嘗引道學傳二條一爲樂鉅一爲孔總
乃清淨棲逸之士襲其舊目亦屬未安此必宜改者也而維騷仍之至
於元破臨安宋統已絕二王崎嶇海島建號於斷檣壞榜之間偷息於
魚鼈龜鼉之窟此而以帝統歸之則淳維遠遁以後武庚構亂之初彼
獨非夏商嫡冢神明之胄乎何以三代以來序正統者不及也他如遼
起滑鹽金興肅慎並受天明命跨有中原必似元經帝魏盡黜南朝固
屬一偏若夫南北分史則李延壽之例難朱子生於南宋其作通鑑綱
目亦沿其舊軌未以爲非元人三史並修誠定論也而維騷強援蜀漢

增以景炎祥興又以遼金二朝置之外國與西夏高麗同列又豈公論乎案紫陽綱目魏王中原猶不予以正統遼金割據中國千古痛心而以為必三國平列唐桂二王清許附載而宋之二王必例以武庚之構亂是誠何心無非欲以此取媚清朝不知清已一統況以遼金轉形其立言之失當且遼據燕而已夏亦據隴有何不可同列

正史類四 清

史漢拾遺十六卷閩縣林茂春著課餘續錄云林暢園先生在讀書社中著述最富多巨帙可以名家而郭象之徒輒纂為已有如文選三國志諸種近日皆見刊本漢史拾遺亦三國志之類雖廣采博錄尚未及編訂成書然亦勤矣案茂春乾隆丙午舉人

後漢書拾遺林茂春著自識云後漢史自東觀記以外謝承華嶠薛瑩謝沈袁崧袁暉袁宏司馬彪等所著無慮十餘家蔚宗此書實采自眾作然舍范無全書也范書自章懷作注外少有闡述者余因取後漢諸逸

書覽錄之以補章懷注所未備亦讀史者之一助也

福建藝文志卷十七

史部二

編年類一

元經薛氏傳九卷續一卷隋王通著唐薛收續并傳趙陽阮逸注天祿琳瑯書目云書九卷起晉惠帝終陳亡第十卷爲續元經自隋開皇十年至唐武德元年全書用編年體以擬春秋通生隋時元經作於隋世乃於周大定元年直書楊堅輔政斷無是理陳師道後出叢談何遜著渚紀聞邵傳聞見後錄並稱阮逸作是書以稿本示蘇洵據此乃逸僞作而託之通與收也逸字天隱官至尙書屯田員外郎

帝王紀年通錄南安李沂著閩書云是書起自伏羲甲寅迄太平興國已卯其間分別正閏傳以政治興壞名曰帝王紀年通錄案沂字從聖慶曆間薦授國子監丞遷大理寺丞

編年通載十卷蒲城章衡著直齋書錄解題云衡編歷代帝系年號始自

序案衡字子平嘉祐二年進士官至寶文閣待制知揚廬宣頰四州

資治通鑑綱目五十九卷建陽朱熹著石遺室書錄云起威烈王二十三年迄五代末己未年與通鑑同自序言溫公通鑑外別爲目錄三十卷更著舉要曆八十卷未成胡文定公因公遺稿修成舉要補遺若干卷今因兩公四書別爲義例增損彙括以就此編蓋表歲以首年而因年以著統大書以提要而分注以備言而凡例標次則爲統系歲年名號卽位改元尊立崩葬篡賊廢徙祭祀行幸恩澤朝會封拜征伐廢黜罷免人事災祥各類中尙有解釋細目一百五十四則至目錄中不書帝號年號只書甲子者則周赧王後至西楚霸王前梁武帝後至隋煬帝前唐昭宣帝後至宋太祖前而凡例中又以秦爲正統又以周秦之間秦漢之間漢晉之間晉隋之間隋唐之間五代爲無統漢晉間有漢後主而無先主晉隋間有宋文帝至梁武帝並有魏太武至魏孝武而無

宋高祖及梁元帝以下至隋文帝其餘集子手書外則有凡例後語
語後序尹起莘發明序劉友益書法凡例序汪克寬考異凡例序王
學集覽序徐昭文考證序陳清集覽正誤序台刻各注引馮智舒質實
序共爲一首卷直齋書錄解題云綱目如傳此書嘗刻於溫陵別
其綱謂之提要今板在監中應陵所刊則綱目並列不復別也郡齋讀
書志云真德秀刻于泉南陳孔碩李方子敘其後其自序所謂表歲以
首年者逐年之上行書外某甲子遇甲字子字則朱書以別之雖無事
依舉要以備歲年因年以著統者凡正統之年歲下大書非正統者兩
行分注大書以提要者凡大書有正例有變例正例如始終興廢災祥
沿革及號令征伐殺生除拜之大者變例如不在此例而善可爲法惡
可爲戒者皆特書之也分注以備言者凡分注有追原其始者有遂言
其終者有詳陳其事者有備載其言者有因始終而見者有因拜除而
見者有因事類而見者有因家世而見者有溫公所立之言所取之論

有胡氏所收之說所著之評而兩公所遺與夫近世大儒先生折衷之語亦頗采以附於其間云其劉氏書法凡例分正統帝王皇后皇太子列國大臣師眾誅殺臨幸雜例十類

皇朝編年舉要三十卷備要二十卷

案文獻通考備要亦作三十卷

中興編年舉要十四

卷備要十四卷莆田陳均著直齋書錄解題云均丞相俊卿之從孫端平初有言於朝者下福州取其書由是得初品官大抵依倣朱氏通鑑綱目舉要者綱也備要者目也然去取無法詳略失中未爲善書郡齋讀書志作皇朝編年備要二十九卷中興編年備要十卷云起于建隆迄于淳熙眞德秀鄭性之林邑皆爲之序曝書亭集云九朝編年備要自序凡例一卷編年自司馬公通鑑成書卽綱目改裁未見其當今所傳陳桎王宗沐薛應旂所輯書類皆謬誤疎略平甫是書簡而有要可謂盡善矣而陳振孫訛之未免責人已甚矣四庫全書總目云均字平甫號雲巖今中興舉要備要皆佚此書前有眞德秀序稱皇朝編年舉

事與備要合者十卷則當時本其爲一書今其舉要亦佚存者惟此綱
耳其書取日曆實錄及李燾續通鑑長編刪繁撮要勒成一帙兼採司
馬光徐度趙汝愚等十數家之書博考互訂始太祖至欽宗凡九朝事
迹欲其篇帙省約便於尋閱故苟非大事則略而不書林邑序謂取司
馬氏之綱而時有修飾取李氏之目而頗加節文足以括其體例然實
以通鑑綱目爲式特據事直書不加褒貶耳觀均自序其宗旨可見也
鈕非石日記云宋本九朝綱年凡例其正例一災祥一沿革一號令一
征伐一殺生一除拜其雜例一行幸一賜宴一繕修一郊祠一賞賜一
進書一振卹一蠻夷朝貢一蠻夷君長死立引用諸書凡二十一種起
建隆訖元符凡百四十有一年分作二十五卷以下云補刊綱年備要
五卷目錄起徽宗建中靖國元年訖欽宗靖康二年四月凡二十七年
統計一百六十八年共爲三十卷儀顧堂題跋云眞德秀序述其言曰
昔嘗讀朱文公通鑑綱目嘆其義例之精密而仿而效之者又公所建

前代之史故書法寓褒貶今所書則據事直書而已是其書本爲續綱目而作而不敢居其名證以真西山序舉要備要合若干卷林邑序名曰皇朝編年舉要備要二語知舉要備要並非兩書所謂舉要者其大書之綱也備要者其夾注之目也非備要存而舉要佚也均既不敢居綱目之名此書仍題綱目備要恐初刊本名綱目及就正于真鄭二公始改其名曰舉要請列二證以明之版刊紹定二年書進于端平元年刻在前而進于後刻名綱目進曰舉要其證一也余又藏有影宗鈔本每卷題名綱目二字挖空必挖去綱目補刻舉要版片經久挖補舉要二字奪落遂成空白其證二也均本鄉曲老儒罔知忌諱及質于中朝士大夫遂改其名亦可見好學不倦矣顧宋樓藏書志亦云皇朝編年備要二十五卷補刊編年備要五卷皇朝或作九朝陳氏書錄亦作皇朝并列舉要二十卷或疑舉要已佚案伯玉云舉要爲綱備要爲目似當時分爲二書各編二十卷今綱目並列出後人合并此本每卷標題

編年下空一格書卽舉要二字可證其未亡也況真文忠序稱書名曰舉要備要是非二書明矣潛研錢氏謂書成南渡之世故老舊聞未散失有可補正史之闕者至議其唐王景北漢王鈞同爲敵國而鈞書卒景書死同一高麗王而徽與運書卒容與俛書死爲義例乖刺竊意平甫未嘗寓褒貶於一字偶爾紀載參差不足爲病也善本書室藏書志云昭文張氏有影寫宋刊本二十五卷士禮居黃氏有宋刻補編五卷案均端平初賜官迪功郎

中興小紀四十卷建陽熊克著四庫全書總目云是編排次南渡以後事迹首建炎丁未迄紹興壬午年經月緯勒成一書宋制凡累朝國史先修日紀其曰小紀蓋以別於官書也陳振孫書錄解題稱克之爲書往往疎略多抵牾不稱良史岳珂程史亦摘其記金海陵南侵誤以蕪風殿之議與武德殿之議併書於紹興二十八年合而爲一蓋以當時之人記當時之事耳目既有難周是非尙未定論自不及李心傳書纂輯

於記載詳備之餘然其上援朝典下參私記綴輯聯貫具有倫理其於心傳之書亦不失先河之導創始難工固未可一例論也案書錄解題作四十一卷克字子復紹興二十一年進士孝宗時官至起居郎兼直學士院出知台州

九朝通略一百六十八卷熊克著四庫全書總目云宋史藝文志載今永樂大典僅存十有一卷首尾零落已無端委

皇王大紀八十卷崇安胡宏著四庫全書總目云宏字仁仲號五峰安國季子以蔭補承務郎是書成於紹興辛酉紹定間嘗宣取入秘閣所述上起盤古下迄周末前一卷皆粗有名號事迹帝堯以後始用皇極經世編年博採經傳而附以論斷陳振孫書錄解題譏其誤取莊子寓言及敘遠古之初無徵不信然古帝王名號可考統系斯存典籍相傳豈得遽爲及削至其採摭浩繁雖不免小有出入較之羅泌路史則切實多矣曝書亭集有是書跋稱近時鄒平馬驥撰釋史體例頗相似疑其

未見是書正可並存不廢今考騷書多引路史而不及皇王大紀一字
鍾尊以爲未見理或有然至於此書體用編年釋史則每事標題而後
引古書之交排比論次略如袁樞紀事本末之法體例截然不同不知
鍾尊何以謂其相似殆偶未詳檢騷書歟善本書室藏書志云是書有
紹興辛酉自序第一卷三皇紀述盤古天皇地皇人皇有巢燧人五帝
紀述太昊伏羲驪連栗陸中央柏皇大庭赫胥尊盧啟統一作混沌昊
英朱襄葛天陰康無懷凡十三氏皆祖包犧神農第二卷至第四卷五
帝紀述黃帝至堯舜第五卷至八十卷王紀述自夏禹至周赧王具三
皇紀多敷衍皇極經世評悠之說

通鑑紀纂二十卷福清林瑑著後村大全集云外舅玉融公歿寒齋兄弟
始出通鑑記纂二大帙于涑水一部書考訂甚精簡切處如范唐通鑑
詳備處如袁氏紀事本末抑揚予奪處如胡氏管見凡前人言行有適
然相類者前代事有干載議論未定者必參合諸書會萃眾說敵以已

意案瑒字景良淳熙十一年進士官至知袁州

少微通鑑節要五十卷崇安江贊編四庫全書總目云是書取司馬光資治通鑑刪存大要然首尾賅貫究不及原書此本爲明正德中所刊前有武宗御製序考羅願鄂州小集末載王瓚月山錄跋結銜稱通鑑節要纂修官疑正德時又爲重修非復贊之舊本又明史李東陽傳稱東陽奉命編通鑑纂要旣成瑾令人摘其筆畫小疵除贍錄官數人名欲因以及東陽東陽大窘屬焦芳與張綏爲解乃已又張元禎傳稱爲通鑑纂要副總裁纂要當卽節要蓋史偶異文然則此書東陽及元禎所定也天祿琳瑯書目云外紀節要四卷通鑑節要五十卷前明武宗序次歷代帝王傳授總圖後附資治通鑑節要續編三十卷考萬姓統譜江贊字叔圭崇安人初遊上庠與龔深之以學易著名隱居里中近臣薦其賢明不赴政和中太史奏少微見賜號少微先生武宗序稱偶檢少微通鑑悅之詳不至泛略不至脫第歲久字畫模糊因命司禮監重